

第五五冊

博物彙編

草木典

海棠部	丁香部	梔子部	木綿部	紫微部	烏臼部	部	石南部	部	南燭部
瑞香部	唐棣部	枸橘部	紫荊部	烏藥部	赤檉部	石瓜部	巴豆部	女貞部	杜仲部
楓柳	楓柳	楓柳	皂莢部	黃蘗部	黃蘗部	秦皮部	衛矛	五加	五加
三〇〇	三〇一	三〇二	三〇三	三〇四	三〇五	三〇六	三〇七	三〇八	三〇九

冬青部 厚朴部 搜疏部 槲華

部 楊槐部 木麻部 大空部

接骨木部 實子木部 蘇方

木部 三〇六

婆羅樹部 貝多部 君遷子部

醋林子部 相思子部 人面子

部 摩廚子部 胡頹子部 三〇九

古今圖書集成

中華書局影印

Z 225

3

欽定古今圖書集成博物彙編草木典

第二百九十九卷目錄

海棠部彙考

海棠圖

秋海棠圖

山海經西山經 中山經

沈立海棠記序 記

王世懋花疏 海棠 秋海棠

夏日荊園同春 秋海棠 海棠

王象晉羣芳譜 海棠 秋海棠

本草綱目 海棠

海棠部藝文一

重葉海棠贊

問雙棠賦

海棠詩序

垂絲海棠賦

春日看海棠花詩序

垂絲海棠賦

垂絲海棠賦

秋海棠賦

未定海棠記

海棠部藝文二詩

斜谷郵亭玩海棠花

海棠二首

題磁嶺海棠花

海棠

海棠花



海棠

海棠

海棠

擢第後入蜀經羅邛路見海棠盛開偶題

蜀中賞海棠

海棠

海棠

海棠二首

會條屬賞海棠偶有題詠

觀海棠有感

奉和御製後苑海棠

奉和御製後苑海棠

海棠

和樞密侍郎因看海棠憶禁苑此花最盛

海棠

海棠

海棠

海棠

海棠

別堂後海棠

題錢塘縣羅江東手植海棠

前山海棠

海棠

蜀地海棠繁媚有思加賦幹豐條舊弱可愛北方所未見諸公作詩流播西人余素好玩不能自默然所道皆在前人陳迹中如國風申章亦無媿云

海棠

海棠

海棠

薛能

前人

鄭谷

前人

前人

前人

吳融

宋太宗

眞宗

光宗

同前

劉筠

晏殊

前人

前人

前人

前人

前人

前人

王禹偁

前人

前人

石延年

前人

宋祁

海棠

和蜀相海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

海棠園十首 海棠園十首

石揚休

前人

高觀

范純仁

郭纘

程琳

李定

前人

吳中復

梅堯臣

前人

前人

歐陽修

趙抃

韓維

前人

王安石

文同

蘇軾

前人

前人

前人

前人

前人

前人

前人

前人

和東坡定惠院海棠

趙次公

和東坡海棠

前人

和燕龍圖海棠

楊諤

海棠百韻

沈立

海棠

前人

移岳州去房陵道中見海棠

張舜民

海棠

崔鵬

雨中對酒庭下海棠經雨不謝

陳與義

海棠

前人

海棠三首

前人

黃海棠

洪适

垂絲海棠

前人

次韻楊廷秀二首

周必大

垂絲海棠

范成大

黃海棠三首

前人

聞石湖海棠盛開亟攜家過之

三首 前人

海棠

劉子翬

山館觀海棠二首

朱熹

張園觀海棠

陸游

海棠

前人

海棠歌

前人

二月十六日賞海棠

前人

張園海棠

前人

海棠

前人

夜宴賞海棠醉書

前人

懷成都海棠

前人

海棠二首

前人

海棠

楊萬里

垂絲海棠

前人

海棠二首

前人

海棠

前人

張功父南湖海棠杖藜走筆二首

前人

垂絲海棠

前人

張子儀太守折送秋日海棠二首

前人

所思亭海棠初開折贈兩使者二首

張杖

海棠

陳傅良

和陳子良海棠四首

吳芾

和澤民求海棠

前人

見市上有賣海棠者依然有感

前人

香海棠

薛季宣

海棠

徐儉

海棠盛開而雨

方岳

海棠

潘從哲

題苦竹寺海棠洞

王之道

海棠

戴復古

海棠三首

劉克莊

次韻陸務觀海棠

程大昌

今朝秋氣蕭瑟不意海棠再開因書二絕期好事者和二首

程敦厚

雨中海棠

前人

惜海棠晚開

前人

和冬職海棠

前人

雨中海棠

謝翱

海棠

僧惠洪

海棠

僧如璧

黃海棠

金蔡松年

黃海棠

前人

海棠

梁持勝

方城東寺海棠

王世昌

海棠

元好問

同兒輩賦未開海棠二首

前人

儀真館後園海棠兩花於秋因爲小酌賦詩

元郝經

海棠

陳樵

賦歐園海棠和羅起初

劉訥

海棠

袁士元

和劉朔齋海棠

牟蠟

海棠

王惲

絳雪亭秋日海棠花

顧瑛

應制誅海棠

李祁

海棠

黃庚

爲浪溪題折枝海棠

歐陽元

臘月海棠

尹廷高

折枝海棠

楊維禎

海棠

馬臻

朱伯微自溪南攜酒至婺源山中兼示垂絲海棠醉中求賦七言三首

明汪廣洋

西省海棠

楊基

祁陽道中見海棠

前人

鄰園海棠

張昱

西齋庭前海棠

高啓

周德章駙馬府賞海棠

程敏政

海棠

吳國倫

典教寺海棠

楊慎

天妃宮看西域海棠

黃姬水

海棠花

董少玉

海棠

張新

詠秋海棠

俞琨

雨中看垂絲海棠

王叔承

海棠

張祥鸞

題秋海棠

王士禛

詠秋海棠

鍾惺

詠西府海棠和韻

王泰際

題秋海棠

前人

新晴偕又初姪躡屐看海棠值主人他適僅從

牆頭悵望而去

前人

草木典第二百九十九卷

海棠部彙考

釋名

海棠

山海經

秋海棠

貼梗海棠


垂絲海棠

西府海棠

木瓜海棠

海棠圖

秋海棠圖



山海經

西山經

中皇之山其下多薔棠

中山經

岷山其木多海棠

沈立海棠記

序

蜀花稱美者有海棠焉然記牒多所不錄蓋恐近代有之何者古人獨棄此而取彼耶嘗聞真宗皇帝御

製後苑雜花十題以海棠爲首章賜近臣唱和則知海棠足與牡丹抗衡而可獨步於西州矣因搜擇前志惟唐相賈元靖耽著百花譜以海棠爲花中神僊誠不虛美近世名儒巨賢發於歌詠清辭麗句往往而得立慶曆中爲縣洪雅春多暇日地富海棠幸得爲東道主惜其繁豔爲一隅之滯丹爲作海棠記叙其大槩及編次諸公詩句於右復率無拙作五言百韻詩一章四韻詩一章附於卷末好事者幸無誚焉

記

棠之稱甚衆若詩有蔽帝甘棠又曰有杖之杜又爾雅釋木曰杜甘棠也杜赤棠白者棠又呂氏春秋果之美者棠實又俗說有樓棠棠梨沙棠味如李無核較是數說俱非謂海棠也凡今草木以海爲名者西陽雜俎云唐贊皇李德裕嘗言花名中之帶海者悉從海外來故知海櫻海柳海石櫚海木瓜之類俱無關於記述豈以多而爲稱耶又非多也誠恐近代得之於海外耳又杜子美海櫻行云欲裁北苑不可得惟有西域胡僧識若然則贊皇之言不誣矣海棠雖盛稱於蜀而蜀人不甚重今京師江淮尤競植之每一本價不下數十金勝地名園目爲佳致而出江南者復稱之曰南海棠大抵相類而花差小色尤深耳棠性多類梨核生者長遲連十數年方有花都下接花工多以嫩枝附梨而贅之則易拔矣種宜壠壤膏沃之地其根色黃而盤勁其木堅而多節其外白而中赤其枝葉密而修暢其葉類杜大者縹綠色而小者淺紫色其紅花五出初極紅如臘脂點點然及開則漸成纈暈至落則若宿妝淡粉矣其蒂長寸餘淡

紫於葉間或三萼至五萼爲叢而生其蕊如金粟蕊中有鬚三如紫絲其香清酷不蘭不麝其實狀如梨大如櫻桃至秋熟可食其味甘而微酸茲榮之大聚也

海棠有色而無香惟嘉州色香並勝大足治中舊有香靠閣號曰海棠香國謂杜子美諱母乳名詩中不之及恐亦宋人傳會成都有名銀絲海棠樹可尺圍枝幹扶蘇葉與海棠無異花白色若金銀花狀間時清香襲人

王世懋花疏

海棠

海棠品類甚多曰垂絲曰西府曰棠梨曰木瓜曰貼梗就中西府最佳而西府之名紫綿者尤佳以其色重而瓣多也此花特盛於南都余所見徐氏西園樹皆參天花時至不見葉西園木瓜尤異定是土產所宜耳垂絲以櫻桃木接開久甚可厭第最先花與玉蘭同時植之傍掩映不可廢也貼梗草本郡城中種之極高大當訪求種法以備一種紫綿宋小說茗溪漁隱叢話備載

秋海棠

秋海棠點綴秋容草花之佳者互於幽砌北窗下種之傍以古拙一峰菖蒲翠筠草皆其益友也

夏日約圃同春

秋海棠

喜陰畏日葉秀花雅最宜澆以便水忌手跡一年一發

海棠

海棠花紅白二色
王象晉羣芳譜

海棠

海棠有四種皆木本貼梗海棠叢生單葉枝作花簪口深紅無香不結子新正即開亦有四季花者花五出初極紅如胭脂點點然及開則漸成緞暈至落則若宿粧殘粉矣垂絲海棠樹生柔枝長帶花苞淺紅蓋由櫻桃接之而成故花梗細長似櫻桃其瓣叢密而色嬌媚重英向下有若小蓮西府海棠枝梗略堅而色稍紅木瓜海棠生子如木瓜可食海棠盛於蜀而秦中次之其株脩然出塵俯視衆芳有超羣絕類之勢而其花甚豐其葉甚茂其枝甚柔望之綽約如處女非若他花冶容不正者比蓋色之美者惟海棠視之如淺絳外英英數點如深胭脂此詩家所以難爲狀也以其有色無香故唐相賈耽著花譜以爲花中神仙花木錄曰南海海棠枝多屈曲有刺如杜梨花繁盛開稍早四季花灌木紅如胭脂無大木即貼梗又視家桃花同西府附微堅瑣碎錄曰一種黃者木性類海棠青葉微圓而色深光滑不相類花半開鵝黃色盛開漸淺紅矣葉間或三或五葉如金粟顯如紫絲實如梨大如櫻桃至秋熟可食其味甘而微酸

納於根附開即花
澆灌瑣碎錄云海棠花欲鮮而盛於冬至日早以精水澆根下或肥水澆或會過麻屑糞土壅培根下使之厚密纔到春暖則枝葉自然大發著花亦繁密矣一云此花無香而畏臭故不宜灌糞一云惟貼梗忌糞西府垂絲亦不甚忌止惡純澆者耳
插餅薄荷包根或以薄荷水養之則花開耐久

秋海棠

一名八月春草本花色粉紅甚嬌艷葉綠如翠羽此花有二種葉下紅筋者爲常品綠筋者開花更有雅趣

于若瀛曰秋海棠喜陰生又宜卑濕望岐處作淺絳色綠葉文似朱絲婉媚可人不獨花也

性好陰而惡日一見日即瘁喜淨而惡糞宜盆栽黃南牆下時灌之枝上有種落地明年自生根夏更開

花四圍用碎瓦鋪之則根不爛老根過冬者花更茂浸花木飲之害人

本草綱目

海紅釋名

李時珍曰按李德裕花木記云凡花木名海者皆從海外來如海棠之類是也又李白詩註云海紅乃花名出新羅國甚多則海棠之自海外有據矣

集解

李時珍曰飲膳正要果類有海紅不知出處此即海棠梨之實也狀如木瓜而小三月開紅花實至八月乃熟鄭樵通志云海棠子名海紅即爾雅赤棠也沈立海棠譜云棠有甘棠沙棠棠梨皆非海棠也海棠

盛於蜀中其出江南者名南海棠大抵相類而花差小棠性多類梨其核生者長慢數十年乃花以枝接梨及木瓜者易茂其根色黃而盤勁且木堅而多節外白中赤其枝葉密而條暢其葉類杜大者縹綠色小者淺紫色二月開花五出初如臙脂點點然開則漸成額暈落則有若宿妝淡粉其葉長寸餘淡紫色或三萼五萼成叢其蕊如金粟中有紫鬚其實狀如梨大如櫻桃至秋可食味甘酸大抵海棠花以紫錦色者為正餘皆棠梨耳海棠花不香惟蜀之嘉州者有香而木大有黃海棠花黃鐵幹海棠花小而鮮垂絲海棠花粉紅向下皆無子非真海棠也

子氣味

酸甘平無毒

主治

李時珍曰洩痢出正要

海棠部藝文一

重葉海棠贊

宋朱祁

海棠大抵數種又時小異惟其盛者則重葩疊萼可喜非有定種也始濃稍淺爛若錦章北方所植率枝強花瘠殊不可玩故蜀之海棠誠為天下所奇麗云

修柯柔蔓濃繁總盛則重葩不常厥種

問雙棠賦

張耒

雙棠者文潛寓陳僧舍堂下手植兩海棠也始余

以丙子秋寓居宛丘南門靈通禪刹之西堂是歲季冬手植兩海棠於堂下至丁丑之春時澤屢至棠茂悅也仲春且華矣余約常所與飲者且致美酒將一醉於樹間是月六日余被謫書治行之黃州俗事紛然余亦遷居因不復省花到黃且周歲矣寺僧書來言花自如也余因思茲棠之所植去余寢無十步欲與數里親戚一飲而樂之宜可必得無難也然垂至而失之事之不可知如此今去棠且千里又身在罪籍其行止未能自期其於棠未遑得見也然均於不可知則亦安知此花不忽然在吾前乎因賦問棠以自廣云

寓舍之壤既膏且腴手植兩棠於堂之隅風來自東冰雪融液典視吾棠既葩而澤乃沽我酒又命我人期一醉於樹間聊快酬於芳春夾鍾之初謫書在門陸走千里止於江濱天星一周漠然舊春想見吾棠燦然含姿俯睨舊堂今居者誰宛如怨而有待儼無言其若思嗟乎始種自我其享將獲盈我旨酒會我賓客一酌未舉俯仰而失事至而驚其初孰測惟得與失相尋無極則亦安知夫此棠不忽然一日復在余側也且夫棠得其居愈久益敷無有斤斧斲傷之虞我行世間浮雲飛蓬惟所使之何有南東夫以不移侯彼靡常久近衡從其志必償歌以訊之用著不

海棠譜序

陳思

世之花卉種類不一或以色而麗或以香而妍是皆鍾天地之秀為人所欽羨也梅花占於春前牡丹殿於春後騷人墨客特注意焉獨海棠一種豐姿麗質

固不在二花下自杜陵入蜀絕吟於是花世因此薄之其後都官鄭谷已為舉似本朝列聖品題雲章奎畫烜耀千古此花始得顯聞於時盛傳於世矣今採取諸家雜錄及彙次唐以來諸人詩句以爲一編目曰海棠譜雖纂集未能詳盡聊預衆譜之列云開慶改元長至日序

垂絲海棠賦

元陳樵

幼余愛此春華今閱草木之文章左光車而右服馬兮飲余非而食余芳於時青氣流輝榮生佳植天集累巧雨標五色抽神緘與鬼秘宛範列而剪刻沃紫淳紅抽黃添白比秀推榮莫之省識性春皇之畫藝兮有海上之名妾方梅驚之雨別屬杏豔之雲乖被春澤以成光兮表獨立而太奇於是羣芳沮廢不知所營桃傷李仆讓為先登雖體裁玄膺而態有餘榮麗不廢清纖不傷陋美蓉柔丈落花盈斗桂花明密山礬孤瘦清不掩纖穠豐茂穠纖失度茲花則否花必待族共氣分榮取萼紅裂借跗山櫻儼美聯芳為花之選未若他花解手背面鄭綿染色魏花薦紫來禽木瓜擬之非是伊測河之佳植信羣離而類絕丹徒芳裔名均種別宣華麗質風馬不接蓋其為狀也蘭秀同柔蕙華並弱委藍絲而綴蕙垂形紛而點萼若四體之無骨雕削削於秦蒙頭搶地而不舉遷對吏以增愕始而望之則輝鄰珠樹色比紫煙非雲等潤丹露均繁若處子之韻秀兮方春睡之爛漫挾春嬌而無力兮色鮮華其可餐其小進也春透細枝芳苞微解秀外朱融黃中金緒繡藻林池金玉芳樹爾乃湛酒漚看徘徊清夜紅妝翠袂放奇樽下香風

入座桂燭流華播明安於密儀同夜笑於缸花時乃操觚成詠醉墨垂葩才華比秀舞旨同嬌及夫紅芳滿國香雨轉繁扶玉闌而欲壓傷桃李之盛年方玉啼之承臉又嫣然而破涕酒色未消玉色微起故月新日朝改夕異歎解搗之無幾兮恐雲散而風流忽墮環而遺帶兮過風簾而並遊青陽之未艾兮怨花時之未暮吾方尚友於名芳兮又遽先於朝露羣花紛其啼笑兮歲復歲其催人雖不言之桃李兮猶暗擲於春心緊明麗之藻質兮將感勾吳而靡楚君何茲花之絕俗兮甘與蝴蝶而同夢起拂衣而高謝兮羞與悅己以爲容朝吾遊於平林兮見丹鉛之滿地雖壯夫其猶扼腕兮鑄黃金以爲淚忽百端之交集兮折遺策以搔首歎光塵之阻奉兮臨春風而舉酒指朱鳥以爲期兮致芳情之扣扣兮是徘徊起舞以爲迎繁送謝之歌歌曰歸華落兮丹秀分轉機艷兮清路塵委春事於蔓草將奈何兮愁傷人座客聞之又續而爲迎繁之歌曰景已絕兮迹已徂問花事兮無有餘雖舞袖之翩翻幸歲期之未渝思投分兮寄飛仙無遲子兮長愁予嗟周親與狎友髮易華兮歲易除朝榮暮已悴兮保金石驅

春日看海棠花詩序

明末廉

春氣和煦海棠名花競放浦陽鄭太常仲開宴賜客於衆芳園時日已西沒乃列燭花枝上花既媚好而燭光映之愈致其妍於是衆咸悅銜杯咏詩臺壘不自休酒半酣金華未灑乃揚言曰李格非書洛陽名園記謂園圃之興廢爲天下盛衰之候今者衣冠雍容酬倡於俎豆間花雖不解言亦散影婆娑若相與

爲娛樂者不知何自而致之亦曰聖天子在上廓清四海化呻吟爲謳歌所以有斯樂耳帝力所被如天開日明萬物熙熙皆有春意世道之盛兆見於此苟不能詩則止能則烏可已哉雖然經有之無已太東職思其居吾儕今夕無乃過於太康矣乎宜知好樂之無荒而爲良士之濯濯可也所賦詩自太常君而下凡三十人其三則賓客餘皆其昆弟子姓云

垂絲海棠賦

夏允彝

有名葩之新艷托瑤海而擢枝疑紅酥之凝滴學霞綃以抽絲剪天桃而繡碎琢芙蓉而紅垂開千房而羅薄圓萬顆而珠綴於時微帳晨開湘簾畫卷芳茵翠深石鏡棠淺映寶業於朝幌疊疊鱗於砌碩念秀枝之紺柔惜嬌體之盈懷弱顏畏見春風面面向玉階逗微綫海綃搖拂動纖容紫燕輕扇紅顚楚妃束素不勝衣延嬈怯舉遊飄扇趙女飛仙裙帶留旋懷纏蔓露羞昏勻光見日泣紅凝雨丹爵夢燈蛟妾纖纖低覆羊車斜牽風股蒲桃少酸瓊玖環舞羅衫薄兮香酥寒雲鬟重兮瑤瑤俯乃有石閨仙子甲帳宮娥戲垂檀袖笑縮春羅振幡鈴而搖蕩弄方絲而浩歌歌曰麗娟十四玉膚輕明離曲帳置妖嬈黃金步搖不自持薄倚珊瑚思芳喘又歌曰智瓊來自紫皇宮結得葳蕤珠萬叢不向朝陽妒肥婢直宜天上值青童妾冉冉而宜約量魂而半墮落粉銷白披霞婦紅杏烟輕繞蝶扇吹融散修裾兮香自語纖醉眼兮嬌欲通重爲亂曰玄嬈濃睡暖雲止輕洗胭脂赤玉班亭亭帖妥倚珊瑚籠籠單香泥憐月姊

垂絲海棠賦

陳子龍

登曉簾以還春觸潑散於微胸憑小欄以垂手背初酣而障面約媛魂而扣紅俯瓊肌之秘倦倒嬾妝其投懷濕妖情以低顏引輕容於霧文護柔心以雙蓮鎖烟架而扶醒吐溫酥以徐卷夢清粉之媚娟委凝珠之串申學照臨而臨波驚腰肢以斜盼浴蕊露而迎風擎蓮蘇而總綰漾遊絲於皎月裏飛簫于碧烟蘸明眸之靜注倚花肩而密綿剪絳絨於寶錦挂羅屏之絳仙繫嬌夜之情睡蕩芳思而尚牽擬幼眇之歡初伴含羞以自憐掩媚姿而神抑破嬌痕於曉眠纖弱性之愁秀拾麗影之巢妍認紫情以向父解幽貞而露微假丁香以亂胃裁霞霞而染蟬墮月姊之半銖纖江妾之翠卷嬌芳龍以腰肢逗舞身而弄絃頰帳舞之嚶咯地驚騎之珊珊練冰膚以嬌暈冉柔非之纖纖若乃晴山眉風翻娃裡蕊綫鈎拋花容波裔肩蜂翼而寒料抱蛾翼而搖曳星宮曉魂之都妓室分銷之第則有玉女聞愁瑤姬通瑟伴戲之慵顏帶妻之重唇對薄醉於綺疏採曼情於聲脫點蟾汁而瑩脂挑側顰而修態嫵幽致以聯羅攢丹縷之屏繫至於春虛攻祀雨濛濛簾粉未而魅散沈的紫而魄黏斷續繞以雷岩欄明細而割纖短紅藕其媚媚大垂廢其慘慘啼傷傷掩帳治草堂匿堆車英而悼舊僎去璧而流靈亂悲人之榮榮折思婦之柔尖撥華絕分難續慨色命今不兼余有意今天妹命余郵分飛廉恐遲春兮齊軌耶仙途兮雲轡渺何接兮夢迂抱奇根分愁思

秋海棠賦

葉襄

有美人兮倚山之阿既嫵媚以靜冶復窈窕而婀娜

薄春條之鬪豔榮秋景之婆娑綠葉紫莖黃中碧柯
脩瓊肌以低顙逞嬌臉之微酣於時玉露流階金風
動砌乍密葉而叢生漸修枝以搖曳煥今若荷葉之
映紅鮮今似芙蓉之鵲麗體弱還羞身呈却蔽謝炎
方之炙熱嬌處牆陰傍幽谷之清芬端居草際嬌媚
碧色亭亭朱顏無勞懶隨有恨蜂蝶濃容與以含笑
墮錯落之垂瓔洛浦朝暉神光初動漢宮秋冷環珮
空珊撫幽質以自媚豈柔情之易攀斜傍離欄間凭
小石慙欲墮而還歎心胡愁而似憐雨淋鈴夜腸斷
香魂落葉哀蟬情傷血魂伴淮南之叢桂零露小山
候彭澤之黃花涼風九月若乃蟲鳴金井露冷銀牀
紫苔淹濕紅蕉損芳思欲訴而無語意如愁而未揚
骨零落之蛛絲光搖翠細度熹微之螢火高照紅妝
羞衆草以爲伍豈無人而不芳既合替投終宜緝隱
詎比忘憂還能獨忿將結侶於幽蘭不苟榮於朝槿
任枯苑以俟時寧假客於丹粉爰有淑女攀枝執條
撫絃而歌歌曰秋風起今秋葉紅悵落陰兮哀鳴盡
下階除兮心冲冲賴托根於茂苑兮恐失時以鮮終
幸不蒙垢於穢濁兮孽芳姿而獨崇

永定海棠記

史夏隆

自古名花必賞於名人從所好也海棠爲花中名品
以其有色無香昔人目爲花中神仙王弼州花疏云
海棠出自蜀就中西府爲佳貼梗垂絲原非本裔皆
吳下園丁借稱而西府以紫綿重瓣者九佳吾地不
多得東坡乞居陽羨攜其花至而天遠堂主人邵民
瞻與之遊因傳其種而宜邑始有西府海棠永定傳
爲佳話因思兩間寥廓茲數名人點綴生色不至

與草木同腐而草木亦吐發英華以相焜耀昔杜工
部在西川以不題詩而見稱東坡入荆溪以得移嘉
種而益著凡物之名者將無往而不彰其實而況於
人乎

海棠部藝文二

斜谷郵亭玩海棠花

唐顧非熊

忽識海棠花令人只嘆嗟豔繁唯共笑香近試堪誇
駐騎忘山險持杯任日斜何川是多處應繞羽人家

海棠

賈島

名園對植幾經春露葉烟梢畫不真多謝許昌傳雅
什蜀都會未遇詩人

昔聞遊客話芳菲濯錦江頭幾萬枝縱使許昌持健
筆可憐終古愧幽姿

題磁嶺海棠花

溫庭筠

幽態竟誰賞歲華空與期局同香畫處泉照豔濃時
蜀彩澹搖曳吳粧低怨思王孫又誰恨惆悵下山遲

海棠

李紳

海邊佳樹生奇彩知是僊山取得栽瓊葉籍中聞閨
苑紫芝圖上見蓬萊淺深芳萼通宵換委積紅英報
曉開寄語春園百花道莫爭顏色泛金杯

海棠花

劉兼

淡淡微紅色不深依依偏似得春心烟輕曉國聲歌
黛露重長門斂淚襟低傍繡簾人易折密藏香葉蝶
難尋良宵更有多情處月下芬芳伴醉吟

海棠

薛能

蜀海棠有聞而詩無聞杜工部于美於斯有之矣
得非典像不出版而有懷何天之厚余獲此遺遇
謹不敢讓用當其無因賦五言一章二十句學陳
梁之紫姬漢魏之朱不以彼物擇其功不以陳言
踵其趣或其人之適此有若韓宣子者風雅盡在
蜀矣吾其庶幾又花植於府之古營因刻貞石以
遺吾黨將來君子業詩者苟未變於道無賦耳咸
通七年十二月二十三日叙

酷烈復離披元功莫我知青苔浮落處暮柳閒閒時
帶醉遊人插連陰彼叟移晨前清露淫宴後惡風吹
香少傳何計妍多畫半邊島蘇連水脉庭繞離松枝
偶泛因沈硯閑飄欲亂基邊山生玉壘和郡偏坤維
負賞慙休飲牽吟分失飢明年應不見留此贈巴兒

海棠

前人

四海應無蜀海棠一時開處一城香晴來使府低臨
檻雨後人家散出牆閑地細飄浮浮鮮短亭深院隔
垂楊從來看盡詩誰苦不及懼遊與畫將

海棠

鄭谷

春風用意勻顏色銷得攜觴與賦詩艷麗最宜新著
雨嬌嬈全在欲開時莫愁粉黛臨臨慮懶梁廣丹青點
筆遲朝醉暮吟看不足羨他蝴蝶宿深枝
擢第後入蜀經羅部路見海棠盛開偶題

前人

上國休誇紅杏豔沈沈自照綠苔磯一枝低帶流鶯
睡數片狂和舞蝶飛堪恨路長移不得可無人與書
將歸手中已有新春桂多謝烟香更入衣

蜀中賞海棠

前人

濃淡芳春滿蜀鄉半隨風雨斷驚腸
浪花溪上空惆悵子美無情爲發揚

海棠

吳融

雪綻霞鋪錦水頭占春顏色最風流
若教更近天街種馬上多逢醉五侯

海棠

宋太宗

每至春園獨有名天然與染半紅深
芳菲占得歌臺地妖豔誰憐向日臨
莫道無情開笑臉任從折戴上冠簪
偏宜雨後看顏色幾處金梧爲爾斟

海棠

真宗

春律行將半繁枝忽覓芳菲舍宿霧
灼灼豔朝陽戲蝶樓輕藥遊蜂逐遠香
物華留賦詠非獨務雕章

又

翠萼凌晨綻清香逐處飄高低隨曲檻
紅白間纖條潤比攢溫玉繁如裁絳
綃畫堪圖書取名筆在僧繇

會僚屬賞海棠偶有題詠

光宗

濃淡名花產蜀鄉半含風露泥新粧
嬌嬌不減舊時態誰與丹青爲發揚

觀海棠有感

同前

東風用意施顏色豔麗偏宜著雨時
朝詠暮吟看不足羨他逸蝶宿深枝

奉和御製後苑海棠

劉筠

遲景烘初綻鮮風惜未飄
蝶魂迷密徑鶯語近新條

芳蕙薰宮錦丹漿暈海綃
惟時奉宸唱廢和愧咎繇

奉和御製後苑海棠

晏殊

太液波才綠蠶和絮未飄霞又光
啓旦珠璣密封條積潤涵濡露濃英
奪海納九陽資造化天意屬喬絲

海棠

前人

杳靄何驚目鮮妍欲蕩魂
向人無限思當畫不勝繁
浩露晴方濕遊蜂暖更喧
只應春有意留贈千山園

和樞密侍郎因看海棠憶禁苑此花最盛

前人

青瑣曾畱眴珍叢苑未移
幸分寒雨潤猶見豔陽姿
岸曠來朱檻攀條憶絳綃
能令人愛樹不獨召南詩

海棠

前人

輕盈千結亂櫻叢占得年芳
近碧櫳迂處間勻高下
萼殘番分破淺深紅烟晴始覺香
纓綻日極猶疑蠟蒂融數夕朱欄未
飄落再三珍重石尤風

海棠

前人

濯錦江頭樹移根藥砌中
只應春有意偏與半粧紅

海棠

前人

昔聞遊客話芳菲濯錦江頭
幾萬枝縱使許昌詩筆健可能終古
絕妍辭

別堂後海棠

王禹偁

一堆紅雪媚青春惜別須教淚
滿巾好在明年莫憔悴校書兼是愛
花人

題錢塘縣羅江東手植海棠

前人

江東遺跡在錢塘手植庭花滿
縣香若使當年居顯位海棠今日是甘棠

商山海棠

前人

錦里名雖盛商山豔更繁
別疑天與態不類土生根
淺著紅蘭染深於絳雪噴
待開先釀酒怕落預呼魂
香裏無劬敵花中是至尊
桂須解月窟桃杏避僊源
浮動冠纓側竟蒙袖忽翻
望夫臨水石窺客出牆垣
贈別難饒柳忘憂甘讓萱
輕輕飛燕舞脉脉息鴛言
蕙陋虛侵徑梨凡浪占園
論心畱蝶宿低面賦驚喧
不忝神僊品何辜造化恩
自期栽御苑誰使擲山村
綺季荒祠畔僊娥古洞門
烟愁思舊夢雨泣怨新婚
書恐明妃恨移同卓氏奔
祇教三月見不得四時存
繡被堆龍勢脂泥浪痕
貳春春未去應得伴芳樽

海棠

石延年

君看海棠格羣花品詎同
嬌媚情自富蕭散豔非窮
舊數斑斑吳苑梅羅碎蜀宮
錦棠杯裏影綉段隴前堪
心亂香無數並柔動滿叢意
分巫峽雨腰細漢臺風
盛若霞蔽日鮮於血灑空
高低千點赤深淺半開紅
粧指朱綫布膏骨檀更融
色焦無可壓體瘦不成豐
枝重輕浮外苞疎密閉中
離勝蜂不定易入蝶能通

蜀地海棠繁夥有思加賦
幹豐條修弱可愛北
方所未見諸公作詩流播
西人余素好玩不能
自默然所道皆在前人陳
述中如國風申章亦
無愧云

宋祁

蜀國天餘照珍葩地所宜
濃芳不應棄併豔欲然枝
影影分羣夢均霞點萬
蕤回文錦成後焚煎燉
烘時蜂藥迎銜密鶯梢向
坐危淺深雙絕態啼笑兩
妍姿絳節排烟煉丹紅落
蒂垂重客鄧長薄便面到
憂遲媚日能徐照臨風肯
遽吹

恨付難披麗極都無比繁
多僅自持捐香饒麝柏照

恨付難披麗極都無比繁
多僅自持捐香饒麝柏照

影欠瑤池畫要精伴色歌須巧驕辭舉樽頻語客細
摘玩芳期

海棠

前人

西域流根遠中都屬賞偏初無可並色竟不許勝妍
薄暝霞烘爛平明露濯鮮長余繡作地密帳錦爲天
爲天語
眼著繁邊的的誇粧靚番番特笑嗎何書聞蘭媚要
是掩櫻然豔足非他譽香輕且近傳所嗟名後出遺
載楚臣篇

和晏尚書海棠

前人

媚柯攢仄倚春暉封植寧同北枳移花自西蜀流種而遷不覺
台嶺分霞爭抱萼蜀宮裁錦闕機枝不覺輕露蒙時
潤正恨炎風獵處危把酒凭欄堪伴賞莫容私恨爲
披離

海棠

前人

萬萼霞乾照曙空向來心賞已多同未知此日東園
樂數偏繁枝衰衰紅

遊海棠西山示趙彥成

邵雍

東風吹雨過溪門白朱朱亂遠村灘石已無同棹
勢岸楓猶出繫船痕時平不厭江山僻客好性知笑
語溫莫上南岡看春色海棠花下却銷魂

海棠

范鎮

不知真宰是誰專生得韶光此樹偏吟華偶遇工部
意賦辭今職翰林權風飄翠幕晨香入霞照危牆夕
影連移植上園如得地芳名應在紫薇先

詠海棠

石揚休

開盡妖桃落盡梨淺萼深萼照華池都緣西蜀盤根

遠豈是東君屬意遲烟慘別客醺宿酒露凝暗臉失
胭脂須知買相風流甚會許神僊品格奇

海棠

前人

花工裁剪用工專濯錦江頭價最偏酷愛殘思憑書
手難題渾覺挫詩權豔疑絳繖深深棠樹認紅綃密
密連因想當年武平一枝枝春賜侍臣先

海棠

高觀

錦里花中色最奇妖嬈天賦本來稀綺霞霞照迷紅
障露露輕籠散翠幃繁朵有情粧媚景纖枝無力帶
殘暉好將繡向羅裙上未作香閨楚楚衣

西園海棠

范純仁

丹葩翠葉競妖濃蜂蝶翻弄暖風濯雨正疑宮錦
爛媚晴先奪曉霞紅芬菲劍外從來勝歡賞天涯爲
爾同却想鄉關足塵土只應能見畫圖中

和樞密侍郎因看海棠憶禁苑此花最盛

郭楨

朱欄明媚照橫塘芳樹交加枕短牆傳得東君深意
慈染成西蜀好風光破紅枝上仍施粉繁翠陰中旋
撲香應爲無詩怨工部至今含淚作啼粧

海棠

程琳

海外移根灼灼奇風情閒麗比應稀品榮寶等排珠
琲旖旎芳叢簇繡帷繁極只愁隨暮雨飄多何計駐
春暉流花溪上年年意露淫烟霞拂客衣

海棠

李定

青帝行春性自專精心知向海棠偏不霜工部風騷
力猶占勾芒造化權倚檻半開紅朵密遶池池應翠
枝連誰人與拔栽瓊苑看與花王閣後先

和石著作海棠

前人

輕紅如杏素遮梨直似佳人照碧池已是化工教豔
絕莫嫌青帝與開遲烟滋綽約明雙臉雨借妖嬈入
四肢西蜀有名須得地瓊林高壓百花奇

海棠

吳中復

靚妝濃滌葉蒙茸高下池臺細細風却恨韶華偏蜀
土更無顏色似川紅尋香只恐三春暮把酒欣逢一
笑同子美詩才猶閣筆只今寂寞錦城中

依韻答末叔海棠

梅堯臣

搖搖牆頭花萼萼有好看高枝笑榮榮低枝明曉曉
但與風相撩不與風相得風吹莫苦急遊子嘆日晨
彭祖與顏回相去猶瞬息每觀形影篇曷在神所釋
不可廢我吟豈竟爲免白

又

搖搖牆頭花一一如舞蛾春光買豔逸豔逸此何多
不爲遊蜂繞卽爲狂蝶過日光苦給給魯叟白波波
人生若朝菌不飲奈老何揚雄寂寞居豈若阮生歌

海棠

前人

道損司門前日過訪別且云計程二月到郡正看
暗惡海棠頗見太守風味因爲詩以送行

蜀州海棠勝兩川使君欲賞意已猛春露洗開千萬
株胭脂點素攢細梗朝看不足夜秉燭何暇更尋桃
與杏青泥劍棧將度時跨馬莫辭雷氣冷

海棠

前人

江燕入朱閣海棠繁錦條醉生燕玉頰瘦聚楚宮腰
曾不分香去九宜著意描誰能共吹笛樹下想前朝
又

要識吳同蜀須看綠海棠
脂色欲滴紫蠟帶何長
夜雨偏宜著春風一任狂
當時杜子美吟徧獨相忘

折海棠戲贈聖俞

歐陽修

搖搖牆頭花笑笑弄顏色
荒涼衆草間露此紅的皜
草木本無情及時如自得
青春不可恃白日忽已晏
繞之重吟哦歸坐成嘆息
人生浪自苦得酒且開釋
不見宛陵翁作詩頭早白

又

搖搖牆頭花豔豔爭青娥
朝見開尚少暮看繁已多
不惜花開繁所惜時節過
昨日枝上紅今日隨流波
物理固如此古來知奈何
達人但飲酒壯士徒悲歌

答賴縣錢頭著作移花

趙抃

令尹憐花意思勤
海棠多種郡園新
自從西蜀年年見
今日欄邊似故人

展江亭海棠

韓維

占盡人間麗與華
白頭判得醉流霞
誰將法錦翻新樣
紅綠裝成偏地花

又

昔年曾到蜀江頭
絕豔牽心幾十秋
今日欄邊見春色
夢魂不復過西州

又

紅糝裝條嬌媚長
人間不合有天香
千觴未足酬佳麗
回首東風更斷腸

又

又避寒風與暖曦
年年長此探花期
如今太守尤珍愛
只許官娥戴一枝

海棠

前人

濯錦江頭千萬枝
當年未解惜芳菲
而今得向君家見
不怕春寒雨濕衣

海棠

王安石

綠嬌隱約眉輕掃
紅嫩妖嬈臉薄妝
巧筆寫傳功未盡
清才吟詠興何長

和何靖山人海棠

文同

爲愛香苞照地紅
倚欄終日對芳叢
夜深忽憶南枝好
把酒更來明月中

海棠

蘇軾

東風嬌媚崇光香
霧霏霏月轉廊
只恐夜深花睡去
去高燒銀燭照紅妝

寓居定惠院之東
雜花滿山有海棠一株土人不知貴也

前人

江城地瘠蕃草木
只有名花苦幽獨
嫣然一笑竹籬間
桃李滿山總粗俗
也知造物有深意
故遣佳人在空谷
自然富貴出天姿
不待金盤薦華屋
朱唇得酒暈生臉
翠袖捲紗紅映肉
林深霧暗曉光遲
日暖風輕春睡足
雨中有淚亦悽愴
月下無人更清淑
先生食飽無一事
散步逍遙自捫腹
不問人家與僧舍
拄杖敲門看修竹
忽逢絕艷照衰朽
欽息無言揩病目
陋邦何處得此花
無乃好事移西蜀
寸根千里不易到
街子飛來定鴻鵠
天涯流落俱可念
爲飲一樽歌此曲

明朝酒醒還獨來
雪落紛紛那忍觸

和東坡定惠院海棠

趙次公

化工妙手開羣木
酷向海棠私意獨
殊姿艷艷雜花裏
端覺神倦在流俗
睡起胭脂懶未勻
天然賦理還豐肉
繁華增麗態
遠矧娜含嬌
風韻足豈惟婉孌

形管殊異同
窈窕關雎淑未能
奔往白玉樓
要當貯以黃金屋
顧雖風暖欲黃昏
豚豚難禁倚修竹
可憐俗眼不知貴
空把容光照山谷
此花本出西南地
李杜無詩恨遺蜀
高才沒世孰能龍
後輩補亡難刻鵠
貂裘季子客齊安
相逢忽忽愁羈人
目當年甫白君可繼
爲花重賦陽春曲
把酒因饒壽魂曾搜句
輒傾空洞腹
多情恐作彩雲收
兒童莫信來輕觸

和東坡海棠

前人

露氣嘉微帶曉光
枝邊燦燦映迴廊
細看素臉原無玉
初點胭脂駐靚妝

和燕龍圖海棠

楊謬

西漢欺盧橘
東陽愛野棠
許昌奇此遇
子美欠先揚
杜宇三春豔
蠶叢一國香
胭脂點亂雨
生色麗斜陽
富豔東君節
瑣妍白帝方
錦樓祈水色
玉壘換山光
風格林梢細
腰支郁李長
天生笑客質
時樣舞衣裳
少吐深深染
全開淡淡妝
烟煤護綠帶
風陣損朱房
旋失因臨水
閒飄弗過牆
佩亡愁殺雨
簪脫即連姜
蝶舞菱花照
鶯啼毒書堂
僊如弄玉少
塵似綠珠常
不見還成悔
相思幾欲在
春深濯錦水
日晚浣紗方
臥對移簾押
吟看近筆牀
池清滿園倒
鳥起一枝昂
紫燕銜泥急
黃蜂趁蜜忙
化工用意銷
得與攜觴

海棠百韻

沈立

絕代知無價生香不減葳分靈應桂苑鍾粹定星塵
木帝經邦相花王入室賢祥駸如剪拂卿需共陶甄
眞辛陰推轂勾芒與著鞭不須憂薄命好爲惜流年
贊翼施生柄扶持恩姬權主張詔令正調燮淑威宣
和氣高低洽芳心次第還金釵人十二珠麗客三千
雲雨迷巫峽風波怨洛川娉婷宜住楚妖冶合居燕
繡被通宵展華燈微曙燃橫披前檻外半出假山巔
暗羨遊蜂採偷輪蟻穴沿瘦嫌蛛網纖柔怯女蘿纏
蓄恨憑誰訊無言只自憐文君酒壚伴揚子草堂前
品格生來別風流到老全繫中生悵望衆裏見喧聞
喧暖精神出晴明意態便開關鸞對語兩兩燕高鶯
天上宜封苑人間偶竹延共樓閣別館與杏權斜阡
清暖簾爭卷黃昏幕尚奏低籠金轡轆高映畫幃韞
忽認翠圍妓深疑閨苑倦忽忽來蕙圃遠別芝田
羞隱暝漾霧輕如淡蕩烟午逢開羽扇初喜下雲軒
髣髴向星靄依稀帶翠鈿五銖衣宛轉七寶帳翻翻
獨立挨寬領成行列彩旂困宜軟虎枕步好觀金蓮
舞定休回袖妝濃不傳鉛蓋張松鬱鬱茵藉草芊芊
靄郁蘭供夢扶蘇柳伴眠軀輕綈綈約腰細更便嬌
姪姪常顯若幽柔自酒然侍兒羅白芷婢子列芳荃
口口濃檀注腮腮薄粉填解圍施葉幄買笑有榆錢
旖旎環瑤席婆娑匝玳筵嬌依屏曲曲泣對露涓涓
南陌輕埃散東郊夕照連幾時休縹緲從此識嬌媚
是處遺簪珥誰家不管姪如姬貪恐失戲雅惜何顛
折閃搔頭視擊撓約腕揼戴遮髮上鳳裝壓鬢邊蟬
汲引新權聚消磨宿忿獨縱觀須倒載命宴必加簫
翻曲教歌媛更詞送酒船鄉心須暫解病眼當時痊

迢遞來油壁從容住錦轡雅宜交讓比機與棟華聯
不憤參朱槿草甘泥木綿醺醺潛失色躑躅敢差肩
素索思投迹天桃恥備員梧桐愧金井芍藥濫花磚
併壓辛夷俗潛排寶馬驚天恩無久恃人寵莫長專
布影交三徑數榮過一塵疑眸方煜煜回首旋翻翻
可忍驚駭挫胡頰急景前珊瑚隨手碎碎雪繞枝旋
拂漢霞初散當樓月自圓飄零隨蠅蝶散亂逐漪漣
灼灼龜城外亭亭錦水邊抱愁應慘楚有淚即潸潸
午影迷蝴蝶朝寒怨杜鵑物情元倚伏人意莫拘攣
擢秀高羣木稱珍極八埏未開獨脈脈憂落固惜悵
別著新文紀重尋舊譜箋共知紅豔好誰辯赤心堅
實似陪朱李根宜灌醴泉栽須鄰竹柏樹莫繞烏鳶
恥託膏腴茂富隨富貴遷爲多貧底滯因遠尚迢迢
客思易成亂心期未省愆書思摩詰華吟稱薛濤賸
醉目休頻送詩情豈易緣薛能誇麗句鄭谷賞佳篇
止感芳姿美那憐託地偏山經猶罕記方志未多傳
巧詠憂才竭冥搜得意詮遐陳寡真賞僻境忍輕捐
抽秘慙非據探奇敢讓先援毫叙名卉聊用放懷焉
海棠 前人
占斷香與色蜀花徒自開園林無卽俗蜂蝶落仍來
青帝若爲意東風無限才古今吟不盡卽領愧空栽
移岳州去房陵道中見海棠 張舜民
馬思山頭見海棠羣僊會處錦屏張天寒日晚行人
絕自落自開還自香
海棠 崔鵬
渾是華清出浴初碧綃斜掩見紅膚便教桃李能言
語要比嬌妍此得無

雨中對酒庭下海棠經雨不謝 陳與義
巴陵二月客添衣草草杯盤恨醉遲燕子不禁連夜
雨海棠猶待老人詩天翻地覆傷春色齒豁頭童視
聖時白竹籬前湖海闊茫茫身世兩堪悲
海棠 前人
海棠雨雨分明春陰欺簾幕東風吹不斷日暮胭脂薄
海棠點點要詩催日暮紫綿無數開欲識此花奇絕
處明朝有雨試重來
又 前人
紅妝翠袖一番新久向園林作好春却笑華清誇睡
足只今羅幃久無塵
又 洪适
深院無人春日長遊蜂來往燕飛忙海棠嬌甚成羞
澹憑仗東風催曉妝
黃海棠 前人
漢宮嬌半額雅淡稱花僊天與溫柔態妝成取次妍
垂絲海棠 前人
脈脈似催徵朝朝長著地誰能解倒懸扶起雲鬟墮
大韻楊廷秀 周必大
萬花川谷主人爲海棠賦二首妙絕古今斷章有
平生不帶看花福不是愁中卽病中之歎代花次
韻
江國羣芳自有餘詩才酒興不愁無却憐西蜀移根
遠醉向東風落筆初
又
傳粉施朱淡復濃不辭沐雨更梳風豈知命似佳人

薄不在吾公樂事中

垂絲海棠

范成大

春工葉葉與絲絲怕日嫌風不自持曉鏡爲誰妝未
辦沁痕猶有淚懸脂

賞海棠

前人

芳春隨分到貧家兒女多情惜歲華聊爲海棠修故
事去年燈燭去年花

又

燭光花影兩相宜占斷風光二月時但得常如妃子
醉何妨獨欠少陵詩

又

憶向宣華夜倚欄花光妍暖月光寒如今踰颯嫌風
露且只銅鉸滿插看

聞石湖海棠盛開亟攜家過之

前人

東風花信十分開細意留連待我來開過十分風不
動更無一片點蒼苔

又

家人扶上錦城頭蜂蝶團中爛漫遊報答春光須小
醉紅雲洞裏按伊州

又

低花妨帽小攜筇深淺胭脂一萬重不用高燒銀燭
照暖雪烘日正春濃

海棠

劉子羣

幽姿淑態弄春晴梅借風流柳借輕種處靜宜臨野
水開時長是近清明幾經夜雨香猶在染盡胭脂畫
不成詩老無心爲題拂至今惆悵似含情

山館觀海棠

朱熹

春草池塘綠意驚花與紅亂英深淺色芳氣有無中
置酒賓朋集披襟賞詠同若非華寫得應逐彩雲空

又

景暄林氣深雨罷寒塘綠置酒此佳晨尋幽慕前躅
芳樹麗烟華紫綵散清霞當由懷別恨寂寞向空谷

張園觀海棠

陸游

朝陽照城樓春容極明媚走馬蜀錦園名花動人意
嚴妝漢宮曉一笑初破睡定知夜宴歡酒入妖骨醉
低鬟羞不語困頓嬌欲閉雖豔無俗姿太息真富貴
結束吾方歸此別知幾歲黃昏廉纖雨千點哀紅淚

海棠

前人

今日春已半風雨停出遊計中海棠花數酌相歡酬
尚想錦官城花時樂事稠金鞭過南市紅燭宴西樓
千林誇盛麗一枝賞纖柔狂吟恨未工酩酊醉不休
那知茅簷底白髮見花愁花亦如病姝掩抑向客羞
尤物終動人要非桃杏儔東風萬里恨浩蕩不可收

海棠歌

前人

我初入蜀贅未霜南充樊亭看海棠當時已謂目未
睹豈知更有碧雞坊碧雞海棠天下絕枝枝似染猩
猩血蜀姬豔妝肯讓人花前頓覺無顏色扁舟東下
八千里桃李真成奴僕爾若使海棠根可移楊州芍
藥應羞死風雨春殘杜鵑哭夜夜寒衾夢還蜀何從
乞得不死方更看千年未爲足

二月十六日賞海棠

前人

當年春半花事竟今年春半花始盛放翁不減少年
狂走馬直與飛蝶競妍華有露洗愈明纖弱無風搖
不定莫放飄零作紅雨剩看倩笑臨妝鏡溪梅枯槁

墮巖谷山杏輕浮真妾媵欲誇絕豔不勝說縱欠濃
香何足病華燈銀燭搖花光翠杓金船豪酒與夜闌
感事獨凄然繁枝空折堪誰贈

張園海棠

前人

洛陽春信久不通姚魏開落塵沙中揚州千葉昔曾
見已歎造化無餘功西來始見海棠盛成都第一推
燕宮池臺掃除凡木盡天地眩轉花光紅慶雲墮空
不飛去時有絳雲紫微風蜂蝶成團出無路我亦狂
走迷西東此園低樹猶三丈錦繡却在青天上不須
更著刀尺剪乞與齊奴開步障

海棠

前人

誰道名花獨故宮東城盛麗足爭雄橫陳錦幃闌干
外盡吸紅雲酒盡中貪看不辭持夜燭倚在直欲擅
春風拾遺舊詠悲零落瘦損腰圍擬未工

夜宴賞海棠醉書

前人

便便痴腹本來寬不是天涯強作歡燕子歸來新社
雨海棠開後却春寒醉誇落紙詩千首歌費纏頭錦
百端深院不聞傳夜漏忽驚蠟淚已堆盤

懷成都海棠

前人

碧雞坊裏海棠時隔月兼旬醉不知馬上難尋前夢
境樽前誰記舊歌辭目窮落日橫千嶂腸斷春光把
一枝說與故人應不信茶烟禪榻餐成絲

海棠

前人

十里迢迢望碧雞一城晴雨不曾齊今朝未得平安
報便恐飛紅已作泥

又

蜀地名花擅古今一枝氣可壓千林譏彈更道無香

處常恨人言太刻深

海棠

楊萬里

帝城二三月海棠可萬株向來青女輕勝六戲與一
撼即日枯東皇夜遣司花女手接紅藍滴青露染成
片片淨練酥亂點梢梢酣日樹蓬萊僊人約老翁寄
箋招喚陸龜蒙爲花一醉夜不息就中一事最奇特
海棠兩岸繡帷裳是間橫著雙胡牀龜蒙踞牀忽倒
臥烏紗自落非風塵花吹滿面雪霏霏起來索筆手
如飛臥去起來都是韻是醉是醒君莫問好箇海棠
花下醉臥圖如今書手誰姓吳

垂絲海棠

前人

垂絲別得一風光誰道全輸蜀海棠風攪玉皇紅世
界日烘青帝紫衣裳懶無氣力仍春醉睡起精神欲
曉故舉似老夫新句子看渠桃李敢承當

海棠

前人

小園不到負今晨晚喚嬌紅伴老身落日爭明那肯
暮豔妝一出更無春樹間露坐看搖影酒底花光併
入脣銀燭不燒渠不睡梢頭恰恰挂冰輪

又

競豔嬌紅最是他教人嫌少不嫌多初酣曉日紅千
滴晚笑東風澹一渦自是花中無國色非關格外占
春窠開時怪與渠儂醉却恨飄零可若何

海棠

前人

豔翠春鋪骨妖紅醉入肌花僊別無訣一味惱臙脂

張功父南湖海棠杖藜走筆

前人

看盡都城種海棠只將一徑引教長約齋妙出春風
手人在中央花四傍

又

天公信手灑明霞若遣停勻未必佳却得數株多葉
底殷勤觀出密邊花

垂絲海棠

前人

無波可照底須窺與柳爭嬌也學垂破曉驟晴天有
意生紅新曉一鉤絲

張子儀太守折送秋海棠

前人

新樣西風較劣些重陽還放海棠花春紅更把秋霜
洗且道精神佳不佳

又

木葉野菊總無光秋色今年付海棠爲底夜深花不
睡翠紗袖上月和霜

所思亭海棠初開折贈兩使者

張杖

未須比擬紅深淺更莫平章香有無過雨夕陽樓上
看千花容有此膚腴

又

東風著物本無私紅入花梢特地奇想得霜臺春思
滿一枝聊遣博新詩

海棠

陳傅良

淡月看花似霧中遠呼燈燭倚花叢夜來月色明如
畫却向庭無數落紅

和陳子良海棠

吳芾

春來人物盡熙熙紅紫無情亦滿枝正引衰翁詩思
動舉頭那更得君詩

又

花開春色壓晴空惱我狂來只遶叢試問妖嬈誰與
比一株勝却萬株紅

又

雨後花頭頓覺肥細看還是舊風姿坐餘自有香芬
靚不許凡人取次知

又

十年栽種滿園花無似茲花豔麗多已是譜中推第
一不須還更問如何

和澤民求海棠

前人

君是詩中老作家笑將麗句換名花因詩去情非
淺詩爲花來語更嘉須好栽培承雨露莫令領領困
塵沙他年爛漫如西蜀我欲從君看綺霞

見市上有賣海棠者悵然有感

前人

連年蹤跡滯江鄉長憶吾廬萬海棠想得春來增絕
麗無因歸去賞芬芳偶然擲上逢人賣猶記尊前爲
爾狂何日故園修舊好嚴燒銀燭照紅妝

香海棠

薛季宣

舊說海棠無香惟昌州海棠有香驗之蜀道信然
以爲不易之論藥園有棠三本其花亦香乃知非
蜀棠獨香香棠自有種耳

世間原有無窮恨海外棠花官錦爛熳炙東風春未
半濃妝獨立情撩亂博山爐冷沈烟斷記語洛妃池
側畔桂衣透濕飄香汗舞罷霓裳裏看吳苑苑花
灘彼岸亦有當初舊游觀棠梨古徑霞光燦舊薇露
冷衣新盟卷袖臙脂紅入腕噴人蘭芷芳都貫天然
種性真奇玩嶺海誠知煎可囊擬擷棠柯燃熾炭裏
取細巾未傳玩他年畱得重公案

海棠

徐儉

子美無詩到海棠酒邊遊戲略平章日烘不睡却成

離風暖無香亦自香花事一番勞應接春光強半被
分張速來冀上尋徐老同醉花前作楚狂

海棠盛開而雨

方岳

閉門十日雨淋漓洗盡紅香了未知纖一簪晴齊睡
去幾何人見半開時世無解語玉條脫春欲負余金
屈厄自是晦明天不定非干工部欠渠詩

海棠

潘從哲

江皋春早饒花木花品神僊此稱獨當年坡老一題
詩到今標格超凡俗我來黃州亦再聞五見此花燦
東谷孤根自結白蓮社媚姿不貯黃金屋日華濃豔
滯生層霧縠繁紅微映肉宛如初浴出華清詎是朝
酣睡未足有時著雨更妖媚無力勝風轉嬌淑我欲
題詩和坡老拙思未得還捫腹把酒徘徊倚甍臺行
吟繞徧西池竹苦無藻麗發巧心數傍花枝舒拙目
問花何以擬甘棠綠同太守來西蜀花容詩句總絕
世高風渺渺翔鴻鶴歲年年花自開游人幾和陽
春曲悠悠不盡古人情啼鶯語燕紛相觸

題苦竹寺海棠洞

王之道

翠袖朱脣一笑開倚風無力競相俱陽城豈是僧家
物端恐齊奴步障來

海棠

戴復古

十月園林不雨霜朝曦赫赫見秋陽夜來聽得遊人
語不見梅花見海棠

海棠

劉克莊

萬紅夾路笑相迎髣髴前身石曼卿若向花中論富
貴芙蓉城劣海棠城

又

殘樹繁紅映碧灣芊蘿山下見芳顏分明消得黃金
屋却墮荒溪野徑間

又

色深乍擣守宮紅片片俄隨蛺蝶風到得離披無意
緒精神全在半開中

次韻陸務觀海棠

程大昌

喚回殘睡強矜持淺破朱唇倚笛吹千古妖妍磨不
盡長隨春色上花枝

今朝秋氣蕭瑟不意海棠再開因書二絕期好

事者和

程敦厚

曾逐狂飈取意飛一時春色便依稀舊叢還有香心
在却被西風管領歸

又

露濕胭脂淚臉寒獨將幽恨倚闌干精神不比籬邊
菊莫把尋常醉眼看

雨中海棠

前人

玉腕紅輕不耐寒無端風雨苦相干曉來試卷珠簾
看簌簌飛香滿畫闌

惜海棠晚開

前人

今年春色可勝嗟二月山中未見花長憶去年今夜
月海棠花影到窻紗

和冬職海棠

前人

花中名品異人重比甘棠苞嫩相思密紅深琥珀光
好風傳韻郁凡卉愧芬芳爛漫雲成瑞葳蕤女有嬌
生來先蜀國開處始朝陽賞即能飲地應稱翰墨場
烟霞容易散蜂蝶等閒忙誰是多情侶欄邊重舉觴

雨中海棠

謝翱

風吹縹緲動對爾惜芳菲蜀雨何人在吳宮祇燕歸
燭消春粉盡淚濕野香微抱蕊殘青子鳥銜隨處飛

海棠

僧惠洪

酒入香腮笑未知小妝初罷醉兒癡一枝柳外牆頭
見勝却千叢著雨時

海棠

僧如璧

賣花擔上爭桃李頓使春宮不直錢莫怪海棠不受
折要令雲髻絕塵緣

黃海棠

金蔡松年

輕如紅豆排冰雪一拂新鵝色更奇不覺濃陰破明
玉有情誰解賞離披

黃海棠

前人

清陰不歎晚晴芳縹緲細雲翠袖長萼綠紅花輪帶
葉醉紅蜀豔俱無香南州氣味連三月東晉風流共
一鵬老眼寒來易愁絕溫柔乞與醉中鄉

海棠

梁持勝

野杏山桃委路塵芳菲都屬錦城春只緣造物偏留
意任使無香亦可人粉白漫誇宮樣巧胭脂難染睡
痕新沈香亭子勾欄畔消得君王比太真

方城東寺海棠

王世昌

若芭如鍼草有芒桃花輕薄絮顛狂少陵例有詩露
巧只枉無言到海棠

海棠

元好問

妍花紅粉妝意態工媚嫵窈窕春風前霞衣欲輕舉
金盤渺華屋國豔徒自許依依如有意脈脈不得語
詩人太冷落愁絕殘春雨

同兒輩賦未開海棠

前人

翠葉輕籠豆顆勻，胭脂濃抹蠅痕新。殷勤畱著花梢露，滴下生紅可惜春。

又

枝間新綠一重重，小蕾深藏數點紅。愛惜芳心莫輕吐，且教桃李鬧春風。

儀真館後園海棠兩花於秋因為小酌賦詩

元郝經

二年海棠秋幽妍對寥索，霜後輒著花枯林吐纖弱。化工爲詩人故，令造物錯木落出奇芬風度，亦不惡。尖黃簇短葉膩翠光，欲鏤蹙縮苞紅粟殷濃入深萼。稀疎生意怯靜麗，九綽約飛絲照青蟲。蟪蛄其連絡，深閨養春嬌。霜華滿珠箔，賴得西風輕微薰。小陰作盈盈出官妝，新寒翠綃薄。空庭自顏色，含恨誰附著。息入楚無言，意婉心不樂。琵琶怨昭陽，所遇非所託。獨有未歸人，相看慰孤酌。却似海南時，坡僊正漂泊。有酒仍有花，世事且高閑。後時亦何遲，適遇今猶昨。香霧霑新燈，傾酒兩盤嚼。銀燭更高燒，秋花易零落。

海棠

陳樵

東風吹散縹緲雲，影別院春遲。宮漏永，繡帷寶帶綰流蘇。夢入瑤臺呼不醒，焚銀燭，花葉多。城頭烏啼奈曉何。

賦歐園海棠和羅起初

劉訥

蜀州海棠錦成畦，昌州海棠芳氣非。名花自古恨不見，東風吹在西家西。西人壓酒紅珠落，半笑新晴半含萼。玉膚柔薄絳袖寒，妝淚輕盈脂臉作。太真姣睡金屋春，綠珠夜宴宮蠟。一時羣花盡萎，媿婢嬌媚。嬌真僂人雨餘，繁枝深綠淨好及佳時。人觴咏花容。

相對易新故，人事無情有。哀盛我昔會，同花下歡實。叙插映鵲髮，盤只今便能。日日爲花醉，欲挽朱顏應已難。

海棠

袁士元

主人愛花如愛姝，春風庭院如畫圖。摹衣曲徑步花影，翻翩夜月飛長裾。海棠睡起春正美，花貌參差玉人似。主人吟賞夜不眠，直欲題詩壓蘇子。

和劉朔齋海棠

牟蠟

人物當今第一流，以花爲屋玉爲舟。曉妝未許寧幃看，夜醉何妨秉燭遊。錦里宣華思舊夢，杭州定慧起新愁。何如歸伴徐公飲，穩結一窠花上頭。

海棠

王惲

桃李無光分落英，海棠姿色占春榮。雲鬟綠擁妝初罷，醉臉紅勻睡未醒。任使無香真可意，故教千葉更多情。光風流轉都無幾，莫惜沙頭倒玉罍。

絳雪亭秋日海棠花

顧瑛

怪底海棠能伎倆，今年當暑著花鮮。露粘蝶粉生珠汗，日炙猩紅上紫綿。夢斷馬嵬春信遠，神遊金谷晚妝妍。獨憐向或題詩者，不見燒燈花樹前。

應制味海棠

李祁

名花初發愛輕陰，翠袖紅妝漸滿林。步入錦帷香徑小，醉扶銀燭畫堂深。妖嬈喜識春風面，零落愁聞夜雨心。多幸鳳凰池上客，爲抽勞思寫清吟。

海棠

黃庚

臉暈輕紅酒力微，眞妃半醉夜深時。杜鵑叫落花梢月，獨倚東風睡不知。

爲浪溪題折枝海棠

歐陽元

點綴春風只一枝，此花猶是半開時。更令老杜如今見，便是無情也賦詩。

臘月海棠

尹廷高

尤物眞能奪化工，臘前偷泄數枝紅。霜花不上胭脂面，強飾春妍綠北風。

折枝海棠

楊維禎

金屋銀缸照宿妝，一枝分得錦雲鄉。梅郎底事多餘恨，怪殺珊瑚不肯香。

海棠

馬臻

殷紅含露滴朝寒，疑是春工畫未乾。底事詩人吟不穩，直須燒燭夜深看。

朱伯微自溪南攜酒至婺源山中兼示垂絲海棠醉中求賦七言

明汪廣洋

一自朝雲委路歧，春風吹夢託游絲。內家叢裏分明見，彷彿盤旋立舞時。

又

東家蝴蝶愛悠揚，不肯輕飛過短牆。賸買麝煤千百斛，暖熏濃抹到沈香。

又

舞罷霓裳不耐嬌，口脂微動酒初潮。玉蘭西畔春如海，擬倩東風整翠翹。

西省海棠

楊基

山西陳則威以晉無梅花以管勾職初來江西即求識之省左掖東檻有海棠一小樹則威尤鍾愛之日數次至花下風雨昏暮不忍去也嘗索余賦詩余時迫於案牘不暇丹行湘中梨杏桃李每得厭觀獨無海棠因賦此補其缺云

山西公子虬髯客到處尋梅認香白春風省掖海棠

開暫去還來拋不得嗟我有癖常自笑不意逢君同

此癖曉窻雲暖風日妍數朵娉婷春半折睡損紅綃

膩有痕舞酣金殿嬌無力銀燈不如微月照珠簾更

著疎烟隔飛燕輕盈富貴委玉環態度神僊格此日

凝妝青瑣外當時擅寵沈香北繁開似却却冥冥半

吐欲言終默默豈惟人愛亦自愛不獨春惜當誰惜

細雨重陰也看來莫對空枝慢相憶

祁陽道中見海棠 前人

桂陽江口望祁陽疊疊烟雲人渺茫高樹綠陰千嶂

濕野棠疎雨一簾香縱無春在猶回首見有鶯啼合

斷腸惆悵東湖堤上柳暖風輕絮正悠揚

鄰園海棠 張昱

西齋庭前海棠

高啓

寂寥銀燭與全盤睡足簾前怯曉寒不是詩人賞幽

與雨中深院有誰看

周德章駙馬府賞海棠 程敏政

冥冥花霧擁迴廊冉冉猩紅隔畫牆按譜更誰爭有

韻失評空自說無香莫燒銀燭驚春夢好障丹紗護

曉妝倦種北來初識面臨風拚醉九霞觴

吳國倫

僊署名花海國移半開風雨倍含姿紅妝向客寒猶

膩翠慢留春豔不支欹側漫同妃子醉夢婆娑解乞

郎詩梁園多少青陽景如煞君家赤玉枝

與教寺海棠 楊慎

兩樹繁華占上春多情誰是惜芳人京華一朵千金

價肯信空山委路塵

天妃宮看西域海棠 黃姬水

僊觀臺荒蔓草中海棠一樹太憎紅可憐亦是星槎

物不學葡萄入漢宮

海棠花 董少玉

小樓風定月初斜巖玉新枝綰落霞睡起不堪重秉

燭春來愁殺海棠花

海棠 張新

雨滋霞靄入朱顏月下疑從姑射還最是春工多巧

思著將色在淺深間

詠秋海棠 俞琬綸

薄羅初試怯風寒小樣紅妝著雨低一段妖嬈描不

就非關子美不能詩

又

春色先應到海棠獨留此種占秋芳稀疎點綴猩紅

小堪佐黃花薦客觴

雨中看垂絲海棠 王叔承

江花低拂座窈窕雨中枝濕翠龍芳樹嬌紅晃碧絲

驪山清敞處越水浣紗時可奈風前惡逢春映酒厄

海棠 張祥鸞

花朝曾與故人期夜敞柴闌遲所思小閣憶君同倚

處曲欄憐我獨凭時望中落日青絲騎夢裏東風瓊

樹枝可是海棠如有待春分猶自著花遲

又

洗硯抄花譜釣簾看海棠園千閒徙倚巢燕落泥香

是花偏灼灼開處殘叢叢弱質不禁露幽懷欲訴風

空庭聊取媚傍石若爲空黃菊相相應餐英未許同

詠秋海棠 鍾惺

牆壁固吾分烟霜亦是恩光輕偏到蒂命薄幸餘根

笑泣誰能喻榮衰不取論年秋色下幽獨自相尋

詠西府海棠和韻 王泰際

爛漫春寒丰格殊玉堂明燭夜脚蹏不煩夢見昌州

守浪擬將無金谷珠睡未足來情自可紅當瘦矣雨

何須君家枝葉多名士那尹低昂世所俞

題秋海棠 前人

斷腸春色裏何事又關秋翠袖不須竹朱顏只近愁

詩篇妾薄命歌譜小梁州禁足行階下情生欲白頭

秋海棠 嚴易

不分春花與共名微涼秋思倍多情奚須高燭殷勤

照新月清妍相映明

新晴偕又初姪躡屐看海棠值主人他適僅從

牆頭悵望而去 前人

海棠雨後花如冰珠汗微融紅粟粟膩滑香肌溫不

濡春風貽蕩嬌嬌旭多情躡屐惜芳菲寂寞長門鎖

金屋一枝嬌旋露牆頭應似登垣窺宋玉絳唇未啓

朱袖垂困倚雕闌睡未足來朝剝啄款雙扉吟賞花

前更燒燭